

Erasmus beka 2024/2025

2024ko ekainaren 30era arte egongo da irekita deialdia

2024/2025 Erasmus programarako laguntzen deialdi berria, honako baldintza hauek betetzen dituzten ikasleentzat: herrialde mailako edozein unibertsitatean matrikulatuta egotea, Araban errolatuta izatea eta graduko ikasleentzako mugikortasun-programan onartua izatea, Europar Batasuneko estatu kideetako helmugak barne.

PROGRAMAREN EZAUGARRI OROKORRAK:

1. Laguntza-kopurua: Programak aurrekontu finkoa du, eta onuradunen artean banatzen da, ikasleek kanpoko unibertsitatean emandako hilabete-kopuruaren arabera. Beraz, ezin da a priori zehaztu zenbat beka emango diren. Eskatutako beken zenbatekoak bideratutako aurrekontua gainditzen badu, zenbateko hori hainbanatuko da baldintzak betetzen dituzten eskabide guztien artean. Hainbanaketa horrek ez du inola ere gaindituko oinarri hauetan ezarritako laguntzaren zenbatekoa.

2. Laguntzaren zenbatekoa:

- Ikasturte osoa kanpoko unibertsitatean: 1200€.
- Lau eta sei hilabete arteko egonaldiak kanpoko unibertsitatean: 700€.
- Lau hilabetetik beherako egonaldiak: 120€ kanpoko unibertsitatean emandako hilabete bakoitzeko.
- Zenbateko hori txikiagoa izan daiteke, baldin eta emandako bekei dagokien zenbatekoa xede horretarako bideratutako zenbateko osoa baino handiagoa bada.

3. Truke-programa ofizialean hasiera batean aurreikusitako hilabeteak baino ez dira hartuko kontuan, eta ez dira kontuan hartuko ikasleak geroago egin ditzakeen egonaldi-luzapenak.

4. Pertsona bakoitzari laguntza bakarra emango zaio bere ikasle-ibilbide osoan, truke-programa guztietarako.

5. Laguntza ematea: Eskatutako baldintzak kontuan hartuta, une bakoitzean erabakiko da eskatutako laguntza ematea edo ukatzea, eta erabaki apelaezina izango da.

6. Laguntza hau beste erakunde batzuen laguntzen osagarria izan daiteke.

7. Laguntza galtzea: Kanpoko unibertsitateko egonaldia finkatutako egutegian zehaztutako data baino lehen eteten duten ikasleek laguntza hori jasotzeko eskubidea galduko dute, eta horren berri eman beharko diote becas@fundacionvital.eus helbideari ahalik eta lasterren, bai pertsonalki edo unibertsitatearen bitartez.

ESKATZAILEEK BETE BEHARREKO BALDINTZAK:

- Estatu mailako edozein unibertsitateko ikasleak izan beharko dute, eta beren Unibertsitateak ofizialki aukeratuak izan beharko dute Europar

Batasuneko graduko (ez praktikak, graduondokoak, masterra edo doktoregoa) ikasleentzako Erasmus Mugikortasun Programan parte hartzeko 2024/2025 ikasturtean.

- Helmuga Europako Batasuneko estatu kideen barne egon behar da.
- Eskatzaileak Araban erroldatuta egon beharko dute 2022ko urtarrilaren 1a baino lehenagoko datarekin.
- Eskatzaile guztiek izan beharko dute KORNER txartelaren (30 urte baino gehiago badituzte, Kutxabaneko edozein finantza-txartelaren), Bizum-en edo Online Bankaren titularrak Kutxabanken, egoera aktiboan, eta, gainera, Kutxabanken egoera aktiboan dagoen kontu edo gazte-plan baten titularrak izan beharko dute.

BEKA BEREZIAK:

Egoera ekonomiko berezia duten eskatzaileek aurreko baldintzak betez eskuratu ahal izango dute beka. Horretarako, dagokion laukitxoak markatu beharko dute eskabide-inprimakian eta egoera berezi hori justifikatzen duen dokumentazioa bidali beharko dute epea amaitu baino lehen, "Izapideak" atalean zehazten den bezala. Ez dira kontuan hartuko dokumentazioa erantsi ez duten edo baloratzeko nahikoa ez den dokumentazioa erantsi duten eskabideak.

Beka berezien eskaerak batzorde batek aztertuko ditu, eta haren erabakia apelaezina izango da. Familia-unitatean benetako premia ekonomikoa dagoela irizten den eskaerak baino ez dira kontuan hartuko.

Beka horien zenbatekoa arruntena halako bi izango da, eta, gainera, ez zaie hainbanaketarik aplikatuko.

ESKABIDEAK EGITEKO IZAPIDEAK

- **Eskatzailek egin beharreko izapideak:**

ESKABIDEA (eskabide-orria online)

Laguntzak eskatzeko, interesa duten ikasleek **eskabide-orria** bete eta web-orri honen bidez bidali beharko dute, eta, horrez gain, **errolda-ziurtagiria bidali** eta **Learning agreement** dokumentua ere **gehienez bost eguneko epean** honako helbide honetara:

becas@fundacionvital.eus

Ez dira kontuan hartuko izapide hori betetzen ez duten jasotako eskabideak.

Eskabide-orrian **beka bereziak** eskuratzeko laukitxoak aktibatu bada, honako agiri hauek bidali beharko dira (familia-erroldaren ziurtagiria, familia-unitateko kide guztien 2023ko ekitaldiko datu fiskalak eta egoera ekonomiko berezia justifikatzen duten beste agiri batzuk) jarraian zehaztuko den helbidera eta gaian ERASMUS BEKA BEREZIA adieraziko da:

becas@fundacionvital.eus

Dokumentazio hori 2024ko ekainaren 30a baino lehen jasotzen ez bada, ez da kontuan hartuko eskaera horren izaera berezia, eta eskaera hori beka arrunten betekizunen eta baldintzen arabera baloratuko da.

ESKAERA EGITEKO EPEA

2024ko maiatzaren 30etik ekainaren 30era (biak barne).

EBAZPENA:

Eskatzaileek beren eskaeraren ebazpena web-orriaren bidez kontsultatu ahal izango dute uztailaren amaieran, bekaren eskatzailearen NANaren bilatzaile baten bidez. Ebazpenaren inguruko edozein zalantza becas@fundacionvital.eus helbidera bidal **dezakezue 2024ko irailaren 30a arte**, data horretan deialdiaren amaiera emanaz.

LAGUNTZA ORDAINTZEA

Emandako laguntzak ikaslea titularra duen KUTXABANK kontuan baino ez dira ordainduko. Unibertsitatera lehenengo seihilekoan zoazten ikasleek 2025ko otsailaren amaieran jasoko duzue beka; bigarren seihilekoan zoaztenek, 2025ko ekainaren amaieran; eta bi seihilekoetan zoaztenek, beka bi zatitan jasoko duzue, aipatutako 2 hilabeteetan.

Eskabidea aurkezteak aipatutako baldintza guztiak onartu egin direla esan nahi du.

Eskatu beka hau (ESKABIDE-ORRIRAKO ESTEKA)